



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### დილიფი

დილიფი, სოფელი ნინოწმინდის მუნიციპალიტეტის კონდურის თემში (სამცხე-ჯავახეთის მხარე), ჯავახეთის ზეგანზე, ხანჩალის ტბის დას-ით. ზ. დ. 1850 მ, ნინოწმინდიდან 16 კმ. 1,5 ათ. მცხ. (2002).

დ-ის მიდამოებში არის მძლავრი მინერ. წყაროები და პემზის დიდი მარაგი. სოფლის ძვ. ქართ. სახელწოდებაა დლიფი.

X-XI სს-ში იგი ქართვ. მეფეთა ერთ-ერთი სადგომი იყო. 988, ბაგრატ III-ის თავდასხმის მოლოდინში, დ-ში დაბანაკდა დავით III კურაპალატი. აქვე, პერიოდულად, სადგომი ჰქონდათ ცენტრალიზებული სამეფო ხელისუფლების მტრებს – კლდეკარის ერისთავებს – ბაღვაშებს.

1058 დ-ში შეიპყრეს ლიპარიტ ბაღვაში და მისი ძე ივანე. დ-ის მახლობლად შემორჩენილია ადრინდ. შუა საუკ. საყდრის ნანგრევები.

**დ. ბერძენიშვილი**

---